



**De Iustitia Et Iure ceterisq[ue] Virtutibus Cardinalibus**

**Lessius, Leonardus**

**Antverpiæ, 1632**

5 Vtrum violatio iuramenti promissorij, præsertim in re parua.

---

[urn:nbn:de:hbz:466:1-72459](#)

maioris momenti, seu quæ ex vi iuramenti sunt in visu: non enim se iuramento vult astringere ad minima; neque ad ea, quæ non seruantur, vel si seruentur, non ex religione iuramenti: neque etiam ad statuta futura, nisi aliud intenderit. Iuramentum enim strictam habet interpretationem ob periculum animæ; vt docet Panormitan. in cap. Clericus, de Iure iurando. Silvester Iuramentum 4.q.2.3. Iurasti dicere in causa quidquid nosti, sci-licet, Si secundum ordinem Iuris dici debet, non autem si occultum sit.

Hæ & similes conditions in iuramento promissorio sunt expendendæ, vt sciat eius obligatio. Insunt autem hæ conditions promissioni cui iuramentum apponitur, interdum ex parte rei promissa, sive ex dispositione Iuris id fiat, sive ex natura rei, sive ex communi hominum intelligentia vel consuetudine; interdum ex parte ipsius promittentis, qui talem conditionem tacite vel expressè apponit. Numquam autem iuramento aperto huiusmodi conditions exclusæ censuratur, nisi quando ipsum in eum finem apponitur, vt excludantur, ne promissor se per illas ab executione promissionis possit eximere.

## D V B I T A T I O V.

*Vtrum violatio iuramenti promissorij, præsertim in re parua, sit peccatum mortale.*

23  
Violatio  
iuramenti  
in rema-  
gna.

R Espondeo, Si promissio sit rei notabilis, violatio iuramenti erit peccatum mortisferum. Est communis sententia Doctorum. Probatur, Quia iurando, quantum in te est, scistis Deum testari non solum te habere animum faciendo, sed etiam te facturum, nisi iustum impedimentum interueniat. Itaque nisi facias, quantum in te est, facis vt Deus falsum testatus sit.

In repar-  
tia, an sit  
peccatum  
mortale.  
Sententia  
Casetani.

Sed difficultas est, si in re parua violetur. Caietanus art. 7. distinguit. Vel enim, inquit, res parua est tota materia promissionis, vel pars solum. Si sit tota materia, violatio iuramenti in re parua erit peccatum mortale; quia tota promissio violatur; vt si iuramento promiseris alsem, & nihil soluas. Si autem solum sit pars materiae, erit tantum peccatum veniale; vt si promiseris tres aureos, & unum assem in solutione prætermittas. Idem tenet Couartuus lib. 1. vatiar. c. 1. n. 2. Simili modo distinguit in voto.

Alij generatim docent, si res promissa sit parua, sive ea sit tota materia, sive pars tantum, non fore nisi veniale; Silvester, Iuramentum 4. q. 1. Sotus lib. 8. q. 1. ar. 7. & q. 2. ar. 3. Nauar. c. 12. n. 10. Idem tenet Antoninus p. 2. tit. 10. c. 4. §. 1. Vraque sententia probabilis est.

Verius est  
esse pecca-  
tum mor-  
tale.

Verius tamen videtur, violationem iuramenti in re parua, si serio promissa sit, nec sit aliquid quod excusat, esse peccatum mortale, sive sit tota materia, sive pars. Ita Gabriel in 3.d.22.q.2.conclus. 4. & 7. Tabiena v. Iurament. n. 11. Caietan, in Summa v. Periurium, Fumus eodem, num. 12. Valentia disp. 6.q.7. puncto 2.

Probatur Primo, Qui rei paruae promissionem, quæ iuramento confirmavit, non implet, is quantum in se est, facit Deum testem falsi: hoc autem est peccatum mortale, cum sit magna in Deum in-

iria: ergo. Maior probatur, quia dum ira iuras, ipso affectu & quantum potes, facis Deum testari te hoc præstitum: ergo si non præstes, cum possis, facis quantum in te est vt Deus falsum testatus sit. Secundò, Eiusdem rationis est, falsum reddere id, quod Deus ante te status est, & facere vt Deus in præsenti fallum testetur: atqui hoc est peccatum mortale, sive res sit parua, sive magna; ergo & illud. Tertiò, Homo sub peccato mortaliter teneatur curare vt sit veritas in iuramento assertorio. idque ideo ne Deum faciat testem falsi: ergo sub eadem obligatione tenetur curare vt etiam in promissorio sit veritas. Solum est differentia, quod veritas iuramento assertorio debeat esse præfens, & sit speculativa: veritas promissorij sit futura, pendens ab ipso iurante. Sed hæc diuersitas non facit vt ipse non teneatur pari modo procurare, esseque sollicitus vt verum sit quod iuravit. Quartò, Iuramentum respicit materiam non quatenus est magni vel partii momenti, multum vel parum utilis homini; sed quatenus vera: ergo ex magnitudine vel paruitate materia non debet iudicari eius obligatio, sed ex veritate: atqui omnes veritates sunt eiusdem rationis in ordine ad testimoniū diuinum: eiusdem enim rationis est, in re parua, & in re magna falsum testari: ergo eiusdem rationis est, in re magna & in parua Deum testem falsi facere.

Aduerte tamen, non esse peccatum mortale, si putet promissarium non curare rem paruam, & si promissorij facilè condonaturum; modo aliquin paratus sit soluere, si secus esset. quo modis, qui iurasset dare tres aureos, & in solutione omitteret unum assem, posset excusari: vel si promissio habeat aliquam tacitam conditionem aut restrictionem; tunc enim iuramentum non violatur vila ex parte, sed integrè impletur iuxta mentem iurantis.

Petes, Cur iuramenti violatio in re parua potius est peccatum, quam violatio voti in famili?

Respondeo, Quia in voto spectatur an res sit parua an magna in ordine ad honorem Dei. Si parua, non censetur honor Dei ex violatione voti nisi parum laeti; & si solum est veniale, in iuramento hoc non spectatur, sed solum curatur vt sit verum quod iuratur; quia Deus adducitur in testimoniū veritatis.

## D V B I T A T I O VI.

*Vtrum iuramentum promissorium metu graui extortum obliget.*

V Idetur non obligare. Primo, Quia talis promissio est irrita, vel saltē arbitrio promittentis potest in irritum reuocari; vt ostensum est supra c. 17. dub. 6. ergo & iuramentum illi appositum: nam iuramentum sequitur naturam actus super quem cadit. Secundò, Votum tali metu extortum non obligat, vt ostensum est c. 40. dub. 3. ergo nec iuramentum. Tertiò, Tali iuramento debet consensus; nihil enim tam contrarium consensui, quam vis & metus; vt habetur L. Nihil consensui. 7. de regul. Iuris. Quartò, cap. Quamvis pactum. 2. de pactis, in 6. dicitur: Pactum, si iuramento, nec vi nec dolo præsto, firmatum fuerit, omnino seruari debet. ergo à contrario sensu, si vi vel dolo præstitum sit, non debet seruari. Con-

Differen-  
tia voti &  
iuramenti.

26